

Liosta dá dtagraítear in Airteagal 24 den Ionstraim Aontachais: Poblacht an Seice

1. SAORGHLUAISEACHT DAOINE

An Conradh ag bunú an Chomhphobail Eorpaigh;

31968 L 0360: Treoir 68/360/CEE ón gComhairle an 15 Deireadh Fómhair 1968 maidir le srianta a dhíothú ar ghluaiseacht agus cónaí sa Chomhphobal d'oibrithe ó na Ballstáit agus dá dteaghlaigh (IO L 257, 19.10.1968, lch. 13), mar atá arna leasú go deireanach le:

- 11994 N: An Ionstraim i dtaobh coinníollacha aontachais agus oiriúnuithe na gConarthaí – Aontachas Phoblacht na hOstaire, Phoblacht na Fionlainne agus Ríocht na Sualainne (IO C 241, 29.8.1994, lch. 21);

31968 R 1612: Rialachán (CEE) Uimh. 1612/68 ón gComhairle an 15 Deireadh Fómhair 1968 maidir le saorghluaiseacht oibrithe laistigh den Chomhphobal (IO L 257, 19.10.1968, lch. 2), mar atá arna leasú go deireanach le:

- 31992 R 2434: Rialachán (CEE) Uimh. 2434/92 ón gComhairle an 27.7.1992 (IO L 245, 26.8.1992, lch. 1);

31996 L 0071: Treoir 96/71/CE ó Pharlaimint na hEorpa agus ón gComhairle an 16 Nollaig 1996 maidir le hoibrithe a phostú faoi chuimsiú seirbhísí a sholáthar (IO L 18, 21.1.1997, lch. 1).

1. I dtaca le saorghluaiseacht oibrithe agus saoirse seirbhísí a sholáthar lena mbaineann gluaiseacht shealadach oibrithe mar atá sainithe in Airteagal I de Threoir 96/71/CE idir Poblacht na Seice, ar thaobh amháin, agus an Bheilg, an Danmhairg, an Ghearmáin, an Eastóin, an Ghréig, an Spáinn, an Fhrainc, Éire, an Iodáil, an Laitvia, an Liotuáin, Lucsamburg, an Ungáir, an Ísiltír, an Ostair, an Pholainn, an Phortaingéil, an tSlóivéin, an tSlóvaic, an Fhionlainn, an tSualainn agus an Ríocht Aontaithe ar an taobh eile, ní bheidh feidhm go hiomlán ag Airteagail 39 agus ag an gcead mhí d'Airteagal 49 de Chonradh CE ach amháin faoi réir na bhforálacha idirthréimhseacha atá leagtha síos i míreanna 2 go 14.

2. De mhaolú ar Airteagail 1 go 6 de Rialachán (CEE) Uimh. 1612/68 agus go dtí deireadh an cúigiú bliain tar éis dháta an aontachais, déanfaidh na Ballstáit láithreacha bearta náisiúnta, nó bearta a thig ó shocruithe déthaobhacha, a rialaíonn rochtain ar a margaí saothair ag náisiúnaigh na Seice, a chur i bhfeidhm. Féadfaidh na Ballstáit láithreacha leanúint de bhearta den sórt sin a chur i bhfeidhm go dtí deireadh an cúigiú bliain tar éis dháta an aontachais.

Náisiúnaigh na Seice atá ag obair go dleathach i mBallstát láithreach arna ligean isteach ar mhargadh saothair de chuid an Ballstáit sin tar éis an aontachais ar feadh tréimhse 12 mí nó níos faide gan briseadh, tairbheoidh siad de rochtain ar mhargadh saothair an Bhallstáit sin ach ní thairbheoidh siad de rochtain ar mhargadh saothair Ballstát eile a chuireann bearta náisiúnta i bhfeidhm.

Náisiúnaigh na Seice arna ligean isteach ar mhargadh saothair de chuid Ballstáit láithrigh tar éis an aontachais ar feadh tréimhse 12 mí nó níos faide gan briseadh, tairbheoidh siad de na cearta céanna

Scoirfidh náisiúnaigh na Seice atá luaite sa dara fomhír agus sa tríú fomhír thuas de thairbhiú de na cearta atá cuimsithe sna fomhíreanna sin má fhágann siad go deonach margadh saothair an Bhallstáit láithrigh i dtrácht

Náisiúnaigh na Seice atá ag obair go dleathach i mBallstát láithreach ar dháta an aontachais nó le linn tréimhse ina gcuirtear bearta náisiúnta i bhfeidhm agus a ligeadh isteach ar mhargadh saothair an Bhallstáit sin ar feadh tréimhse is lú ná 12 mí, ní thairbheoidh siad de na cearta sin.

3. Roimh dheireadh na tréimhse dhá bhliain tar éis dháta an aontachais, déanfaidh an Chomhairle oibriú na bhforálacha idirthréimhseacha atá leagtha síos i mír 2 a athbhreithniú ar bhonn tuarascála ón gCoimisiún.

Tráth chríochnú an athbhreithnithe sin, agus tráth nach déanaí ná deireadh na tréimhse dhá bhliain tar éis dháta an aontachais, tabharfaidh na Ballstáit láithreacha fógra don Choimisiún á rá cé acu an leanfaidh siad de bhearta náisiúnta nó bearta a thig ó chomhaontuithe déthaobhacha a chur i bhfeidhm nó an gcuirfidh siad Airteagail 1 go 6 de Rialachán (CEE) Uimh. 1612/68 i bhfeidhm feasta. Cheal fógra den sórt sin, beidh feidhm ag Airteagail 1 go 6 de Rialachán (CEE) Uimh. 1612/68.

4. Arna iarraidh sin do Phoblacht na Seice, féadfar athbhreithniú amháin eile a dhéanamh. Beidh feidhm ag an nós imeachta dá dtagraítear i mír 3 agus críochnófar é laistigh de shé mhí ón iarraidh a fháil ó Phoblacht na Seice.

5. Ballstát a dhéanann bearta náisiúnta nó bearta a thig ó chomhaontuithe déthaobhacha a choimeád ar bun ag deireadh na tréimhse cúig bliana atá sonraithe i mír 2, féadfaidh sé, i gcás suaitheadh tromchúiseach ar a mhargadh saothair nó bagairt dá leithéid agus tar éis fógra a thabhairt don Choimisiún, leanúint de na bearta sin a chur i bhfeidhm go dtí deireadh na tréimhse seacht mbliana tar éis dháta an aontachais. Cheal fógra den sórt sin, beidh feidhm ag Airteagail 1 go 6 de Rialachán (CEE) Uimh. 1612/68.

6. I rith na tréimhse seacht mbliana tar éis dháta an aontachais, na Ballstáit ina bhfuil feidhm, de bhua mhíreanna 3, 4 nó 5, ag Airteagail 1 go 6 de Rialachán 1612/68 (CEE) i leith náisiúnach na Seice agus atá ag eisiúint ceadanna oibre do náisiúnaigh Sheice chun críocha faireacháin i rith na tréimhse sin, déanfaidh siad amhlaidh go huathoibríoch.

7. Na Ballstáit ina bhfuil feidhm, de bhua mhíreanna 3, 4 nó 5, ag Airteagail 1 go 6 de Rialachán (CEE) Uimh. 1612/68 i leith náisiúnaigh na Seice, féadfaidh siad dul ar iontaoibh na nósanna imeachta atá leagtha amach sna fomhíreanna thíos go dtí deireadh na tréimhse seacht mbliana tar éis dháta an aontachais.

Nuair atá suaitheadh ar mhargadh saothair ceann de na Ballstáit dá dtagraítear sa chéad fhomhír a d'fhéadfadh dochar tromchúiseach a dhéanamh don chaighdeán maireachtála nó don leibhéal fostaíochta i réigiún nó i ngairm áirithe, nó nuair a dhéanann sé suaitheadh den sórt sin a thuar, cuirfidh an Ballstát sin an Coimisiún agus na Ballstáit eile ar an eolas faoi agus déanfaidh sé na sonraí uile ábhartha a sholáthar dóibh. Ar bhonn na faisnéise sin, féadfaidh an Ballstát sin iarraidh ar an gCoimisiún a dhearbhu go bhfuil cur i bhfeidhm Airteagail 1 go 6 de Rialachán (CEE) Uimh. 1612/93 á fhionraí go hiomlán nó go páirteach, d'fhonn an staid sa réigiún nó sa ghairm sin a athbhunú ina gnáthríocht. Tráth nach déanaí ná dhá sheachtain tar éis iarraidh den sórt sin a fháil, glacfaidh an Coimisiún cinneadh ar an bhfionraí agus ar a tréimhse agus a raon feidhme. Féadfaidh aon Bhallstát, laistigh de dhá sheachtain ó dháta an chinnidh ón gCoimisiún, a iarraidh ar an gComhairle an Cinneadh a neamhniú nó a leasú. Gníomhóidh an Chomhairle ar iarraidh den sórt sin trí thromlach cáilithe laistigh de dhá sheachtain.

I gcásanna práinneacha agus eisceachtúla, féadfaidh Ballstát dá dtagraítear sa chéad fhomhír cur i bhfeidhm Airteagail 1 go 6 de Rialachán (CEE) Uimh. 1612/68 a fhionraí, agus fógra réasúnaithe ex-post a thabhairt don Choimisiún ina dhiaidh sin.

8. Fad atá cur i bhfeidhm Airteagail 1 go 6 de Rialachán (CEE) Uimh. 1612/68 ar fionraí de bhua mhíreanna 2 go 5 agus 7 thuas, beidh feidhm i bPoblacht na Seice ag Airteagal 11 den Rialachán i leith náisiúnaigh na mBallstát láithreach, agus beidh feidhm aige sna Ballstáit láithreacha i leith náisiúnach Seiceach faoi na coinníollacha seo a leanas:

- na baill de theaghlach oibrí dá dtagraítear in Airteagal 10 (1) (a) den Rialachán a bhfuil cónaí orthu go dleathach in éineacht leis an oibrí ar chríoch Bhallstáit ar dháta an aontachais, beidh acu, tráth an aontachais, rochtain láithreach ar mhargadh saothair an Bhallstáit sin. Níl feidhm aige seo maidir le baill de theaghlach oibrí atá ag obair go dleathach i mBallstát láithreach ar dháta an aontachais a ligeadh isteach ar mhargadh saothair an Bhallstáit sin ar feadh tréimhse is lú ná 12 mí;
- na baill de theaghlach oibrí dá dtagraítear in Airteagal 10(1)(a) den Rialachán a bhfuil cónaí orthu go dleathach in éineacht leis an oibrí ar chríoch Bhallstáit ó dháta is déanaí ná dáta an aontachais ach i rith na tréimhse ina gcuirtear i bhfeidhm na forálacha idirthréimhseacha atá leagtha síos thuas, beidh rochtain acu ar mhargadh saothair an Bhallstáit i dtrácht a thúsce atá cónaí orthu sa Bhallstát i dtrácht ar feadh ocht mí dhéag ar a laghad nó ón tríú bliain tar éis dháta an aontachais, cibé acu is túsce.

Beidh na forálacha seo gan dochar do bhearta níos fabhraí, bíodh siad ina mbearta náisiúnta nó ina mbearta a thig ó chomhaontuithe déthaobhacha.

9. Sa mhéid nach féidir forálacha áirithe de Threoir 68/360/CEE a dhealú ó na forálacha sin de Rialachán (CEE) Uimh. 1612/68 a gcuirtear siar a gcur i bhfeidhm de bhun mhíreanna 2 go 5 agus 7 agus 8, féadfaidh Poblacht na Seice agus na Ballstáit láithreacha maolú ar na forálacha sin a mhéad is gá chun míreanna 2 go 5 agus 7 agus 8 a chur i bhfeidhm.

10. Aon uair a chuireann na Ballstáit láithreacha bearta náisiúnta nó bearta a thig ó chomhaontuithe déthaobhacha i bhfeidhm de bhua na mbeart idirthréimhseach atá leagtha síos thuas, féadfaidh Poblacht na Seice bearta coibhéiseacha a choimeád i bhfeidhm i leith náisiúnaigh na mBallstát nó an Bhallstáit i dtrácht.

11. Má fhionraíonn aon cheann de na Ballstáit láithreacha cur i bhfeidhm Airteagail 1 go 6 de Rialachán (CEE) Uimh. 1612/68, féadfaidh Poblacht na Seice dul ar iontaoibh na nósanna imeachta atá leagtha síos i mír 7 i leith na hEastóine, na Laitvia, na Liotuáine, na hUngáire, na Polainne, na Slóivéine nó na Slóvaice. I rith aon tréimhse den sórt sin, déanfar ceadanna oibre arna n-eisiúint ag Poblacht na Seice chun críocha faireacháin a eisiúint go huathoibríoch chuig náisiúnaigh na hEastóine, na Laitvia, na Liotuáine, na hUngáire, na Polainne, na Slóivéine nó na Slóvaice.

12. Féadfaidh aon Bhallstát láithreach, agus bearta náisiúnta á gcur i bhfeidhm aige i gcomhréir le míreanna 2 go 5 agus 7 go 9, saorghluaiseacht is mó ná mar atá ann ar dháta an aontachais, lena n-áirítear rochtain iomlán ar mhargadh an tsaothair, a thabhairt isteach faoin dlí náisiúnta. Ón tríú bliain tar éis dháta an aontachais, féadfaidh aon Bhallstát láithreach a chuireann bearta náisiúnta i bhfeidhm a chinneadh tráth ar bith Airteagail 1 go 6 de Rialachán (CEE) Uimh. 1612/68 a chur i bhfeidhm ina n-ionad. Cuirfear an Coimisiún ar an eolas faoi aon chinneadh den sórt sin.

13. Fad a chuireann siad bearta náisiúnta nó bearta a thig ó chomhaontuithe déthaobhacha i bhfeidhm, de bhua na bhforálacha idirthréimhseacha atá leagtha amach thuas, maidir le saorghluaiseacht oibrithe Seiceacha, féadfaidh an Ghearmáin nó an Ostair, tar éis fógra a thabhairt don Choimisiún, maolú ar an gcéad mhí d'Airteagal 49 de Chonradh CE chun díriú ar shuaitheadh tromchúiseach a bhaineann le gluaiseacht shealadach oibrithe a bhfuil a gceart chun gabháil le hobair faoi réir beart náisiúnta sa Ghearmáin nó san Ostair, nó chun díriú ar bhagairt den sórt sin, in earnálacha íogaire seirbhíse ar a margaí saothair a d'fhéadfadh teacht chun cinn i réigiúin áirithe de dhroim soláthair trasnáisiúnta seirbhísí, mar atá sainithe in Airteagal 1 de Threoir 96/71/CE, agus an maolú sin á dhéanamh d'fhonn teorainn a chur, i gcomhthéacs seirbhísí a sholáthar ag cuideachtaí arna mbunú i bPoblacht na Seice, le gluaiseacht shealadach oibrithe a bhfuil a gceart gabháil le hobair sa Ghearmáin agus san Ostair faoi réir beart náisiúnta.

Is mar a leanas atá liosta na n-earnálacha a d'fhéadfaí a fholú leis an maolú seo:

– sa Ghearmáin:

Earnáil	Cód NACE (*), mura sonraítear a mhalairt
Foirgníocht, lena n-áirítear brainsí gaolmhara	45.1 go 4; Gníomhaíochtaí atá liostaithe san Iarscríbhinn a ghabhann le Treoir 96/71/CE
Glantachán tionsclaíoch	74.70 Glantachán tionsclaíoch
Seirbhísí eile	74.78 Gníomhaíochtaí maisitheoirí istigh amháin

– san Ostair:

Earnáil	Cód NACE (*), mura sonraítear a mhalairt
Gníomhaíochtaí seirbhíse gairneoireachta	01.41
Cloch a ghearradh, a dheilbhiú agus a chríochnú	26.7
Struchtúir mhiotail agus codanna díobh a mhonarú	28.11
Foirgníocht, lena n-áirítear brainsí gaolmhara	45.1 go 4; Gníomhaíochtaí atá liostaithe san Iarscríbhinn a ghabhann le Treoir 96/71/CE
Gníomhaíochtaí slándála	74.60
Glantachán tionsclaíoch	74.70
Altranas tí	85.14
Obair shóisialta agus gníomhaíochtaí gan chóiríocht	85.32

(*) NACE: feic 31990 R 3037: Rialachán (CEE) Uimh. 3037/90 ón gComhairle an 9 Deireadh Fómhair 1990 maidir le haicmiú staidrimh gníomhaíochtaí eacnamaíocha sa Chomhphobal Eorpach (IO L 293, 24.10.1990, lch. 1), mar atá arna leasú go deireanach le 32002 R 0029: Rialachán (CE) Uimh. 29/2000 ón gCoimisiún an 19.12.2001 (IO L 6, 10.1.2002, lch. 3).

A mhéad a mhaolaíonn an Ghearmáin nó an Ostair ar an gcéad mhír d’Airteagal 49 de Chonradh CE i gcomhréir leis na fomhíreanna roimhe seo, féadfaidh Poblacht na Seice, tar éis fógra a thabhairt don Choimisiún, bearta coibhéiseacha a ghlacadh.

Ní bheidh de thoradh ar éifeacht an mhír seo a chur i bhfeidhm gur sriantaí na coinníollacha do ghluaiseacht shealadach oibrithe idir an Ghearmáin nó an Ostair agus Poblacht na Seice ná na coinníollacha atá ann ar dháta sínithe an Chonartha Aontachais.

14. Ní bheidh de thoradh ar éifeacht míreanna 2 go 5 agus 7 go 13 a chur i bhfeidhm gur sriantaí na coinníollacha rochtana do náisiúnaigh Sheiceacha ar mhargaí saothair na mBallstát láithreach ná na coinníollacha atá ann ar dháta sínithe an Chonartha Aontachais.

D’ainneoin chur i bhfeidhm na bhforálacha atá leagtha síos i míreanna 1 go 13, i rith aon tréimhse ina gcuirtear i bhfeidhm bearta náisiúnta nó bearta a thig ó chomhaontuithe déthaobhacha, tabharfaidh na Ballstáit láithreacha fabhar d’oibrithe is náisiúnaigh de na Ballstáit seachas oibrithe is náisiúnaigh de thríú tíortha i dtaca le rochtain ar a margadh saothair.

Oibrithe imirceacha Seiceacha agus a dteaghlaigh a bhfuil cónaí orthu agus atá ag obair go dleathach i mBallstát eile nó oibrithe imirceacha ó Bhallstáit eile agus a dteaghlaigh a bhfuil cónaí orthu agus atá ag obair go dleathach i bPoblacht na Seice, ní chuirfear cóir níos sriantaí orthu ná mar a chuirtear ar oibrithe imirceacha agus a dteaghlaigh ó thríú tíortha a bhfuil cónaí orthu agus atá ag obair sa Bhallstát sin nó i bPoblacht na Seice faoi seach. Ina theannta sin, agus prionsabal an fhabhair Chomhphobail á chur i bhfeidhm, ní chuirfear cóir níos fabhraí ar oibrithe imirceacha ó thríú tíortha a bhfuil cónaí orthu agus atá ag obair i bPoblacht na Seice ná mar a chuirtear ar náisiúnaigh Phoblacht na Seice .

2. SAORGHLUAISEACHT CHAIPITIL

An Conradh ar an Aontas Eorpach;

An Conradh ag bunú an Chomhphobail Eorpaigh.

1. Na rialacha atá leagtha síos san Acht um Malairt Choigríche Uimh. 219/1995 Sb., mar atá arna leasú, maidir le náisiúnaigh de na Ballstáit nach bhfuil cónaí orthu i bPoblacht na Seice agus cuideachtaí arna bhfoirmiú i gcomhréir le dlíthe Ballstáit eile, nach bhfuil bunaithe ar chríoch Phoblacht na Seice agus nach bhfuil brainse ná gníomhaireacht ionadaíochta acu inti, áiteanna tánaisteacha cónaithe a fháil, féadfaidh Poblacht na Seice iad a choimeád ar bun, d'ainneoin na n-oibleagáidí faoi na Conarthaí ar a bhfuil an tAontas Eorpach fothaithe, go ceann cúig bliana ó dháta an aontachais.

2. Na rialacha atá leagtha síos san Acht um Malairt Uimh. 219/1995 Sb., mar atá arna leasú Acht Uimh. 229/1991 Sb maidir le caidreamh úinéireachta i dtaca le talamh agus maoin talmhaíochta eile, agus Acht Uimh. 95/1999 Sb. maidir le coinníollacha a bhaineann le talamh talmhaíochta agus foraoiseacha a aistriú ó úinéireacht an Stáit go húinéireacht chuideachtaí eile, maidir le náisiúnaigh de na Ballstáit agus cuideachtaí arna bhfoirmiú i gcomhréir le dlíthe Ballstáit eile nach bhfuil bunaithe ná cláraithe i bPoblacht na Seice talamh talmhaíochta agus foraoiseacha a fháil, féadfaidh Poblacht na Seice iad a choimeád ar bun, d'ainneoin na n-oibleagáidí faoi na Conarthaí ar a bhfuil an tAontas Eorpach fothaithe, go ceann seacht mbliana ó dháta an aontachais. Ní fhéadfar i gcás ar bith cóir is lú fabhar a chur ar náisiúnach de Bhallstát i leith talamh talmhaíochta agus foraoiseacha a fháil ná cóir níos sriantaí a chur orthu ná ar náisiúnach tríú tír.

Feirmeoirí féinfhostaithe is náisiúnaigh de Bhallstát eile ar mian leo iad féin a bhunú agus cónaí a bheith orthu i bPoblacht na Seice, ní bheidh siad faoi réir fhorálacha na fomhíre sin roimhe seo ná aon nósanna imeachta eile seachas nósanna imeachta a bhfuil náisiúnaigh Phoblacht na Seice faoina réir.

Déanfar athbhreithniú ginearálta ar na bearta idirthréimhseacha sin sa tríú bliain tar éis dháta an aontachais. Chuige sin, cuirfidh an Coimisiún tuarascáil faoi bhráid na Comhairle. Féadfaidh an Chomhairle, ag gníomhú di d'aon toil ar thogra ón gCoimisiún, a chinneadh an idirthréimhse atá sonraithe sa chéad fhomhír a ghiorrú nó deireadh a chur léi.

Má tá fianaise leordhóthanach ann go mbeidh, tráth na hidirthréimhse a dhul in éag, suaithheadh tromchúiseach nó bagairt dá leithéid ar mhargadh Phoblacht na Seice i dtalamh talmhaíochta, cinnfidh an Coimisiún, arna iarraidh sin do Phoblacht na Seice, an idirthréimhse a fhadú ar feadh tréimhse trí bliana ar a mhéid.

3. TALMHAÍOCHT

A. REACHTAÍOCHT TRÉIDLIACHTA

1. 31964 L 0433: Treoir 64/433/CEE ón gComhairle maidir le coinníollacha sláinte chun feoil úr a tháirgeadh agus a mhargú (IO P 121, 29.7.1964, lch. 2012 agus arna leasú agus arna comhdhlúthú iardain in IO L 268, 29.6.1991, lch. 71), mar atá arna leasú go deireanach le:

– 31995 L 0023: Treoir 95/23/CE ón gComhairle an 22.6.1995 (IO L 243, 11.10.1995, lch. 7);

31971 L 0118: Treoir 71/118/CEE ón gComhairle an 15 Feabhra 1971 maidir le fadhbanna sláinte a dhéanann difear do fheoil úr éanlaith chlóis a tháirgeadh agus a chur ar an margadh (IO L 55, 8.3.1971, lch. 23 agus arna leasú agus arna tabhairt suas chun dáta iardain in IO L 62, 15.3.1993, lch. 6), mar atá arna leasú go deireanach le:

– 31997 L 0079: Treoir 97/79/CEE ón gComhairle an 18.12.1997 (IO L 24, 30.1.1998, lch. 31);

31977 L 0099: Treoir 77/99/CEE ón gComhairle an 21 Nollaig 1976 maidir le fadhbanna sláinte a dhéanann difear do tháirgeadh agus margú táirgí feola agus táirgí áirithe eile de thionscnamh ainmhíoch (IO L 26, 31.1.1977, lch. 85 agus arna leasú agus arna tabhairt suas chun dáta iardain in IO L 57, 2.3.1992, lch. 4), mar atá arna leasú go deireanach le:

– 31997 L 0076: Treoir 97/76/CEE ón gComhairle an 16.12.1997 (IO L 10, 16.1.1998, lch. 25);

31989 L 0437: Treoir 89/437/CEE ón gComhairle an 20 Meitheamh 1989 maidir le fadhbanna sláinteachais agus sláinte a dhéanann difear do tháirgí uibhe a tháirgeadh agus a chur ar an margadh (IO L 212, 22.7.1989, lch. 87), mar atá arna leasú go deireanach le:

– 31996 L 0023: Treoir 96/23/CE ón gComhairle an 29.4.1996 (IO L 125, 23.5.1996, lch. 10);

31992 L 0046: Treoir 92/46/CEE ón gComhairle an 16 Meitheamh 1992, ag leagan síos na rialacha sláinte chun bainne amh, bainne teaschóireáilte agus táirgí bunaithe ar bhainne a tháirgeadh agus a chur ar an margadh (IO L 268, 14.9.1992, lch. 1), mar atá arna leasú go deireanach le:

– 31996 L 0023: Treoir 96/23/CE ón gComhairle an 29.4.1996 (IO L 125, 23.5.1996, lch. 10).

- (a) Ní bheidh feidhm go dtí an 31 Nollaig 2006 maidir le bunaíochtaí i bPoblacht na Seice atá liostaithe i bhFoscscríbhinn A a ghabhann leis an Iarscríbhinn seo ag na ceanglais struchtúracha atá leagtha síos in Iarscríbhinní I agus II a ghabhann le Treoir 64/433/CEE, in Iarscríbhinní I agus II a ghabhann le Treoir 71/118/CEE, in Iarscríbhinní A agus B a ghabhann le Treoir 77/99/CEE, san Iarscríbhinn a ghabhann le Treoir 89/437/CEE agus in Iarscríbhinn B a ghabhann le Treoir 92/46/CEE, faoi réir na gcoinníollacha atá leagtha síos thíos.
- (b) Fad a thairbhíonn na bunaíochtaí dá dtagraítear i mír (a) thuas d'fhorálacha na míre sin, ní chuirfear táirgí de thionscnamh na mbunaíochtaí sin ach ar an margadh náisiúnta amháin nó ní úsáidfear iad ach do phróiseáil bhreise i mbunaíochtaí náisiúnta atá folaithe freisin le forálacha mhír (a), gan spleáchas don dáta margaíochta. Ní foláir marc speisialta sláinte a bheith ar na táirgí sin.

Tá feidhm ag an bhfomhír sin roimh seo maidir leis na táirgí go léir de thionscnamh bunaíochtaí iomlánaithe feola nuair atá cuid den bhunaíocht faoi réir fhorálacha mhír (a).

- (c) Áiritheoidh Poblacht na Seice go gcomhlíonfar de réir a chéile na ceanglais struchtúracha dá dtagraítear i mír (a) i gcomhréir leis na teorainneacha ama atá leagtha amach i bhFoscscríbhinn A a ghabhann leis an Iarscríbhinn seo chun na heasnaimh atá ann a cheartú. Áiritheoidh Poblacht na Seice gurb iad na bunaíochtaí a chomhlíonann na ceanglais sin go hiomlán faoi cheann an 31 Nollaig 2006, agus iad sin amháin, a leanfaidh de bheith ag oibriú. Déanfaidh Poblacht na Seice tuarascálacha bliantúla a thíolacadh don Choimisiún maidir leis an dul chun cinn i ngach ceann de na bunaíochtaí atá liostaithe i bhFoscscríbhinn A, lena n-áirítear liosta de na bunaíochtaí atá tar éis na heasnaimh atá ann a cheartú i rith na bliana i gceist.

- (d) Féadfaidh an Coimisiún Foscríbhinn A dá dtagraítear i mír (a) a thabhairt suas chun dáta roimh an aontachas agus go dtí an 31 Nollaig 2006, agus sa chomhthéacs sin féadfaidh sé bunaíochtaí leithleacha a chur léi go feadh méid theoranta nó a scriosadh, i bhfianaise an dul chun cinn arna dhéanamh maidir le heasnaimh atá ann a cheartú agus i bhfianaise thoradh an phróisis faireacháin.

Glacfar rialacha mionsonraithe cur chun feidhme chun oibriú rianúil an chórais idirthréimhsigh thuas a áirithiú i gcomhréir le hAirteagal 16 de Threoir 64/433/CEE, Airteagal 21 de Threoir 71/118/CEE, Airteagal 20 de Threoir 77/99/CEE, Airteagal 14 de Threoir 89/437/CEE agus Airteagal 31 de Threoir 92/46/CEE.

2. 31999 L 0074: Treoir 1999/74/CE ón gComhairle an 19 Iúil 1999 ag leagan síos caighdeáin íosta chun béaróga a chosaint (IO L 203, 3.8.1999, lch. 53).

Go dtí an 31 Nollaig 2009, féadfaidh bunaíochtaí i bPoblacht an Seice atá liostaithe in bhFoscríbhinn B a ghabhann leis an Iarscríbhinn seo cásanna nach gcomhlíonann na ceanglais íosta airde atá leagtha síos in Airteagal 5(1)(4) de Threoir 1999/74/CE a choimeád in úsáid, ar chuntar nach bhfuil siad níos sine ná 16 bliain agus go bhfuil acu airde 36 cm ar a laghad ar fud 65% ar a laghad d'achar an cháis agus nach lú a n-airde ná 33 cm ag aon phointe.

B. REACHTAÍOCHT FITEASLÁINTÍOCHTA

31982 L 0471: Treoir 82/471/CEE ón gComhairle an 30 Meitheamh 1982 maidir le táirgí áirithe a úsáidtear i gcothú ainmhithe (IO L 213, 21.7.1982, lch. 8), mar atá arna leasú go deireanach le:

- 31999 L 0020: Treoir ón gComhairle 1999/20/CE an 22.3.1999 (IO L 80, 25.3.1999, lch. 20).

D’ainneoin Airteagal 3(1) de Threoir 82/471/CEE, féadfaidh Poblacht na Seice leanúint de chead a thabhairt do mhargú ar a chríoch d’ábhair bheatha arna mbunú ar an speiceas giosta *Candida utilis* a shaothraítear ar shnáithíní plandúla go dtí go nglacfar cinneadh i gcomhréir le hAirteagal 6 den Treoir nó go dtí dhá bhliain tar éis dháta an aontachais, cibé acu is túisce, ar chuntar go dtíolacann Poblacht na Seice an comhad dá dtagraítear in Airteagal 7 don Choimisiún tráth nach déanaí ná an 31 Nollaig 2003.

4. BEARTAS IOMPAIR

31993 R 3118: Rialachán (CEE) Uimh. 3118/93 ón gComhairle an 25 Deireadh Fómhair 1993 ag leagan síos na gcoinníollacha faoina bhféadfaidh carraeirí neamhchónaitheacha seirbhísí náisiúnta iompair tharlaithe de bhóthar a oibriú laistigh de Bhallstát (IO L 279, 12.11.1993, lch. 1), mar atá arna leasú go deireanach le:

- 32002 R 0484: Rialachán (CE) Uimh. 484/2002 ó Pharlaimint na hEorpa agus ón gComhairle an 1.3.2002 (IO L 76, 19.3.2002, lch. 1).

- (a) De mhaolú ar Airteagal 1 de Rialachán (CEE) Uimh. 3118/93 agus go dtí deireadh an dara bliain tar éis dháta an aontachais, eisiafar carraeirí arna mbunú i bPoblacht na Seice ó sheirbhísí náisiúnta tarlaithe de bhóthar a oibriú sna Ballstáit eile agus eisiafar carraeirí arna mbunú sna Ballstáit eile ó sheirbhísí náisiúnta tarlaithe de bhóthar a oibriú i bPoblacht na Seice.
- (b) Roimh dheireadh an dara bliain tar éis dháta an aontachais, tabharfaidh Ballstáit fógra don Choimisiún á rá an bhfadóidh siad an tréimhse seo ar feadh dhá bhliain ar a mhéid nó an gcuirfidh siad Airteagal 1 den Rialachán i bhfeidhm go hiomlán feasta. Cheal fógra den sórt sin, beidh feidhm ag Airteagal 1 den Rialachán. Carraeirí arna mbunú sna Ballstáit sin ina bhfuil feidhm ag Airteagal 1 den Rialachán, is iad amháin a fhéadfaidh seirbhísí tarlaithe náisiúnta de bhóthar a oibriú sna Ballstáit eile sin ina bhfuil feidhm freisin ag Airteagal 1 den Rialachán.
- (c) Roimh dheireadh an ceathrú bliain tar éis dháta an aontachais, i gcás suaitheadh tromchúiseach ar an margadh náisiúnta tarlaithe de bhóthar, nó bagairt dá leithéid, tabharfaidh Ballstáit nach bhfuil feidhm ag Airteagal 1 den Rialachán iontu de bhua mhír (b) thuas fógra don Choimisiún á rá an bhfadóidh siad an tréimhse seo ar feadh bliana ar a mhéid nó an gcuirfidh siad Airteagal 1 den Rialachán i bhfeidhm go hiomlán feasta. Cheal fógra den sórt sin, beidh feidhm ag Airteagal 1 den Rialachán. Carraeirí arna mbunú sna Ballstáit sin ina bhfuil feidhm ag Airteagal 1 den Rialachán, is iad amháin a fhéadfaidh seirbhísí tarlaithe náisiúnta de bhóthar a oibriú sna Ballstáit eile sin ina bhfuil feidhm freisin ag Airteagal 1 den Rialachán.

- (d) Fad nach bhfuil feidhm ag Airteagal 1 den Rialachán go hiomlán sna Ballstáit go léir, féadfaidh na Ballstáit ina bhfuil feidhm ag Airteagal 1 den Rialachán de bhua mhír (b) nó (c) thuas dul ar iontaoibh an nós imeachta atá leagtha amach thíos.

Nuair atá suaitheadh ar mhargadh náisiúnta de chuid Ballstáit dá dtagraítear san fhomhír sin roimhe seo nó ar chodanna de de bharr cabatáiste nó arna ghéarú aige, ar nós farasbarr soláthair thar éileamh nó baol do chobhsaíocht airgeadais nó marthanas líon suntasach gnóthas tarlaithe de bhóthar, cuirfidh an Ballstát sin an Coimisiún agus na Ballstáit eile ar an eolas faoi agus déanfaidh sé na sonraí uile ábhartha a sholáthar dóibh. Ar bhonn na faisnéise sin, féadfaidh an Ballstát sin a iarraidh ar an gCoimisiún cur i bhfeidhm Airteagal 1 den Rialachán a fhionraí go hiomlán nó go páirteach, d'fhonn an staid a athbhunú ina gnáthriocht.

Scrúdóidh an Coimisiún an staid ar bhonn na sonraí arna soláthar ag an mBallstát i dtrácht agus cinnfidh sé laistigh de mhí ón iarraidh a fháil an gá bearta coimirce a ghlacadh. Beidh feidhm ag an nós imeachta atá leagtha síos sa dara fomhír, sa tríú fomhír agus sa cheathrú fomhír de mhír 3 agus i míreanna 4, 5 agus 6 d'Airteagal 7 den Rialachán.

I gcásanna práinneacha agus eisceachtúla, féadfaidh Ballstát dá dtagraítear sa chéad fhomhír thuas cur i bhfeidhm Airteagal 1 den Rialachán a fhionraí, agus fógra réasúnaithe ex-post a thabhairt don Choimisiún ina dhiaidh sin.

- (e) Fad nach gcuirtear Airteagal 1 den Rialachán i bhfeidhm de bhua mhíreanna (a) go (b) thuas, féadfaidh Ballstáit rochtain ar a seirbhísí náisúnta tarlaithe de bhóthar a rialú trí údaruithe cabatáiste a mhalartú go comhleanúnach ar bhonn comhaontuithe déthaobhacha. Féadfaidh caoi an léirscaoilte iomláin a bheith san áireamh.
- (f) Ní fhéadfaidh rochtain níos sriantaí ar sheirbhísí náisúnta tarlaithe de bhóthar ná mar atá ann ar dháta sínithe an Chonartha Aontachais leanúint ó éifeacht míreanna (a) go (d) a chur i bhfeidhm.

5. CÁNACHAS

- 1. 31977 L 0388: Séú Treoir 77/388/CEE ón gComhairle an 17 Bealtaine 1977 maidir le comhchuibhiú dhlíthe na mBallstát a bhaineann le cánacha láimhdeachais - Comhchóras cánach breisluacha: aonbhonn measúnachta (IO L 145, 13.6.1977, lch. 1), mar atá arna leasú go deireanach le:
 - 32002 L 0038: Treoir 2002/38/CE ón gComhairle an 7.5.2002 (IO L 128, 15.5.2002, lch. 41).

- (a) De mhaolú ar Airteagal 12(3)(a) de Threoir 77/388/CEE, féadfaidh Poblacht na Seice ráta laghdaithe cánach breisluacha nach lú ná 5% a choimeád ar bun go dtí an 31 Nollaig 2007 (a) maidir le soláthar fuinnimh théite arna úsáid ag teaghlaigh agus fiontraithe beaga nach bhfuil cláraithe do CBL do théamh agus táirgeadh uisce the, amach ó amhábhair a úsáidtear chun fuinneamh téite a ghiniúint, agus (b) maidir le soláthar oibre foirgníochta do thithíocht chónaitheach nach soláthraítear mar chuid de bheartas sóisialta, amach ó ábhair thógála.
- (b) D'fhonn Airteagal 28(3)(b) de Threoir 77/388/CEE a chur i bhfeidhm, féadfaidh Poblacht na Seice díolúine ó cháin bhreisluacha a choimeád ar bun maidir le hiompar idirnáisiúnta paisinéirí dá dtagraítear i bpointe 17 d'Iarscríbhinn F a ghabhann leis an Treoir go dtí go gcomhalltar an coinníoll atá leagtha amach in Airteagal 28(4) den Treoir nó fad a chuireann aon cheann de na Ballstáit láithreacha an díolúine chéanna i bhfeidhm, cibé acu is túisce.
2. 31992 L 0079: Treoir 92/79/CEE ón gComhairle an 19 Deireadh Fómhair 1992 maidir le cánacha ar thoitíní a chomhfhogasú (IO L 316, 31.10.1992, lch. 8), mar atá arna leasú go deireanach le
- 32002 L 0010: Treoir 2002/10/CE ón gComhairle an 12.2.2002 (IO L 46, 16.2.2002, lch. 26).

De mhaolú ar Airteagal 2(1) de Threoir 92/79/ CEE, féadfaidh Poblacht na Seice cur i bhfeidhm na dleachta máil foriomláine íosta atá coibhéiseach le 57% den phraghas miondíola (lena n-áirítear gach cáin) agus méid íosta EUR 60 in aghaidh 1000 toitín do thoitíní san aicme phraghais is mó éileamh a chur siar go dtí an 31 Nollaig 2006, ar chuntar go ndéanann Poblacht na Seice a rátaí dleachta máil a choigeartú de réir a chéile i rith na tréimhse sin ionsar an dleacht mháil fhoriomlán íosta dá bhforáiltear sa Treoir. Féadfaidh Poblacht na Seice cur i bhfeidhm na dleachta máil foriomláine íosta de EUR 64 ar an bpraghas miondíola (lena n-áirítear gach cáin) do thoitíní san earnáil phraghais is mó éileamh a chur siar freisin go dtí an 31 Nollaig 2007, ar chuntar go ndéanann Poblacht na Seice a rátaí dleachta máil a choigeartú de réir a chéile i rith na tréimhse sin ionsar an dleacht mháil foriomlán íosta dá bhforáiltear sa Treoir.

Gan dochar d’Airteagal 8 de Threoir 92/12/CEE ón gComhairle maidir leis na socruithe ginearálta do tháirgí atá faoi réir dleachta máil agus ar tháirgí den sórt sin a shealbhú agus a bhogadh agus faireachán a dhéanamh orthu ¹, agus tar éis an Coimisiún a chur ar an eolas, féadfaidh Ballstáit, fad atá feidhm ag aon cheann de na díolúintí thuas, na teorainneacha cainníochtúla céanna a choimeád ar bun do thoitíní a fhéadtar a bhreith isteach ina gcríocha ó Phoblacht na Seice gan breis dleachta máil a íoc is a chuirtear i bhfeidhm ar allmhairí ó thrú tíortha. Féadfaidh Ballstáit a bhaineann leas as an gcaoi seo na seiceálacha is gá a dhéanamh ar chuntar nach ndéanann na seiceálacha sin difear d’oibriú cuí an mhargaidh inmheánaigh.

¹ IO L 76, 23.3.1992, lch. 1. Treoir mar atá arna leasú go deireanach le Treoir 2000/47/CE (IO L 193, 29.7.2000, lch. 73).

3. 31992 L 0080 Treoir 92/80/CEE ón gComhairle an 19 Deireadh Fómhair 1992 maidir le cánacha ar thobac monaraithe seachas toitíní a chomhfhogasú (IO L 316, 31.10.1992, lch. 10), mar atá arna leasú go deireanach le

– 32002 L 0010: Treoir 2002/10/CE ón gComhairle an 12.2.2002 (IO L 46, 16.2.2002, lch. 26).

De mhaolú ar Airteagal 3(1) de Threoir 92/80/ CEE, féadfaidh Poblacht na Seice cur i bhfeidhm na ndleachtanna máil foriomlána íosta a thobhaítear ar tháirgí tobac seachas toitíní a chur siar go dtí an 31 Nollaig 2006.

Gan dochar d’Airteagal 8 de Threoir 92/12/CEE ón gComhairle maidir leis na socruithe ginearálta do tháirgí atá faoi réir dleachta máil agus ar tháirgí den sórt sin a shealbhú agus a bhogadh agus faireachán a dhéanamh orthu ¹, agus tar éis an Coimisiún a chur ar an eolas, féadfaidh Ballstáit, fad atá feidhm ag an maolú thuas, na teorainneacha cainníochtúla céanna a choimeád ar bun do tháirgí tobac seachas toitíní a fhéadtar a bhreith isteach ina gcríocha ó Phoblacht na Seice gan breis dleachta máil a íoc is a chuirtear i bhfeidhm ar allmhairí ó thríú tíortha. Féadfaidh Ballstáit a bhaineann leas as an gcaoi seo na seiceálacha is gá a dhéanamh ar chuntar nach ndéanann na seiceálacha sin difear d’oibriú cuí an mhargaidh inmheánaigh.

¹ IO L 76, 23.3.1992, lch. 1. Treoir mar atá arna leasú go deireanach le Treoir 2000/47/CE (IO L 193, 29.7.2000, lch. 73).

6. FUINNEAMH

1. 31968 L 0414: Treoir 68/414/CEE ón gComhairle an 20 Nollaig 1968 ag forchur oibleagáid ar Bhallstáit CEE stoic íosta amhola agus/nó táirgí peitriam a choinneáil (IO L 308, 23.12.1968, lch. 14), mar atá arna leasú go deireanach le:

– 31998 L 0093: Treoir 98/93/CE ón gComhairle an 14.12.98 (IO L 358, 31.12.1998, lch. 100).

De mhaolú ar Airteagal 1(1) de Threoir 68/414/CE, ní bheidh feidhm i bPoblacht na Seice ag an íosleibhéal stoc de tháirgí peitriam go dtí an 31 Nollaig 2005. Áiritheoidh Poblacht na Seice go gcomhfhreagraíonn a híosleibhéal stoc de tháirgí peitriam, i gcás gach ceann de na haicmí táirgí peitriam atá liostaithe in Airteagal 2, ar a laghad do mheántomhailt inmheánach laethúil an mhéid laethanta seo a leanas, mar atá sainithe in Airteagal 1(1):

- 80 lá faoi cheann dháta an aontachais;
- 85 lá faoi cheann an 31 Nollaig 2004;
- 90 lá faoi cheann an 31 Nollaig 2005.

2. 31998 L 0030: Treoir 98/30/CE ó Pharlaimint na hEorpa agus ón gComhairle an 22 Meitheamh 1998 maidir le comhrialacha don mhargadh inmheánach sa ghás nádúrtha (IO L 204, 21.7.1998, lch. 1).

Ní bheidh feidhm i bPoblacht na Seice ag Airteagal 18 de Threoir 98/30/CE go dtí an 31 Nollaig 2004.

7. COMHSHAOL

A. BAINISTÍOCHT DRAMHAÍOLA

31994 L 0062: Treoir 94/62/CE ó Pharlaimint na hEorpa agus ón gComhairle an 20 Nollaig 1994 maidir le pacáistiú agus dramhaíl pacáistithe (IO L 365, 31.12.1994, lch. 10).

De mhaolú ar Airteagal 6(1)(a) agus (b) de Threoir 94/62/CE, bainfidh Poblacht na Seice amach na spriocanna athghabhála agus athchúrsála do na hábhair phacáistithe seo a leanas faoi cheann an 31 Nollaig 2005 i gcomhréir leis na spriocanna idirmheánacha seo a leanas:

- plaistigh a athchúrsáil: 10% de réir meáchain faoi cheann dháta an aontachais agus 12% faoi cheann 2004;
- ráta foriomlán athghabhála: 39% de réir meáchain faoi cheann dháta an aontachais agus 45% faoi cheann 2004.

B. CÁILÍOCHT AN UISCE

31991 L 0271: Treoir 91/271/CEE ón gComhairle an 21 Bealtaine 1991 maidir le cóireáil fuíolluisce uirbigh (IO L 135, 30.5.1991, lch. 40), mar atá arna leasú le:

- 31998 L 0015: Treoir 98/15/CE ón gCoimisiún an 27.2.1998 (IO L 67, 7.3.1998, lch. 29).

De mhaolú ar Airteagail 3, 4 agus 5(2) de Threoir 91/271/CE, ní bheidh feidhm go dtí an 31 Nollaig 2010 i bPoblacht na Seice ag na ceanglais do chórais bhailithe agus cóireáil fuíolluisce uirbigh i gcomhréir leis an sprioc idirmheánach seo a leanas: i dtaca le ceirtleáin ar mó coibhéis a ndaonra ná 10 000, áiritheoidh Poblacht na Seice go gcomhlíonfar forálacha na Treorach i gcás 18 ceirtleán faoi cheann an aontachais agus i gcás na gceirtleán eile faoi cheann an 31 Nollaig 2006.

C. AN TRUAILLIÚ TIONSCLAÍOCH A RIALÚ AGUS BAINISTÍOCHT BHAOIL

32001 L 0080: Treoir 2001/80/CE ó Pharlaimint na hEorpa agus ón gComhairle an 23 Deireadh Fómhair 2001 maidir le hastaíochtaí truailleán áirithe san aer ó ollghléasraí dócháin a theorannú (IO L 309, 27.11.2001, lch. 1).

De mhaolú ar Airteagal 4(1) agus cuid A d'Iarscríbhinn III de Threoir 11/80/CE, beidh feidhm i bPoblacht na Seice go dtí an 31 Nollaig 2007 ag na luachanna teorantacha astaíochta do dhé-ocsaíd sulfair coire K4 de ghléasra téimh Přerov agus maidir le coire K11 de ghléasra Nová Hut'.

Foscúbhinn A

dá dtagraítear i gCaibidil 3, Roinn A, pointe 1, d'Iarscrúbhinn V

Liosta bunaíochtaí, lena n-áirítear easnaimh agus teorainneacha ama chun na heasnaimh sin a cheartú

Seamlais

Uimh.	Uimh. Thréid.	Ainm na bunaíochta	Easnaimh	Dáta an lán-chomhlíonta
1		BEKKVA s.r.o.	Treoir 64/433/CEE ón gComhairle: Iarscrúbhinn I, Caibidil I, pointe 1(a) agus (b) Iarscrúbhinn I, Caibidil I, pointe 2(a) Iarscrúbhinn I, Caibidil I, pointe 11	31.12.2004
2		Družstevní jatka Sádek, družstvo	Treoir 64/433/CEE ón gComhairle: Iarscrúbhinn I, Caibidil I, pointe 1(a), (b), (e) agus (f) Iarscrúbhinn I, Caibidil I, pointe 4(c) Iarscrúbhinn I, Caibidil I, pointí 5 agus 11 Iarscrúbhinn I, Caibidil II, pointe 14(a), (b) agus (h) Iarscrúbhinn I, Caibidil III, pointe 15	31.12.2005
3		JABOR, s.r.o.	Treoir 64/433/CEE ón gComhairle: Iarscrúbhinn II, Caibidil II, pointe 9 Iarscrúbhinn II, Caibidil II, pointe 10(b), (c) agus (e)	31.12.2004
4		Jiří Papst, Jatka Oudoleň	Treoir 64/433/CEE ón gComhairle: Iarscrúbhinn I, Caibidil I, pointe 1(a), (b), (c), (d) agus (g) Iarscrúbhinn I, Caibidil I, pointí 5, 6 agus 11 Iarscrúbhinn I, Caibidil II, pointe 14(b), (f) agus (j) Iarscrúbhinn I, Caibidil IV, pointe 16(a) agus (b)	31.12.2006

Uimh.	Uimh. Thréid.	Ainm na bunaíochta	Easnaimh	Dáta an lán-chomhlíonta
5		Jatka Svitavy, spol. s r.o.	Treoir 64/433/CEE ón gComhairle: Iarscríbhinn I, Caibidil I, pointe 1(a), (b), (c) agus (g) Iarscríbhinn I, Caibidil I, pointe 4(c) Iarscríbhinn II, Caibidil II, pointe 14(e) agus (f)	30.6.2006
6		Jaroslav Kouba, Řeznictví – uzenářství	Treoir 64/433/CEE ón gComhairle: Iarscríbhinn I, Caibidil I, pointe 1(b), (c) agus (e) Iarscríbhinn I, Caibidil I, pointe 2(b) Iarscríbhinn I, Caibidil I, pointe 4(c) agus (d) Iarscríbhinn I, Caibidil I, pointí 5, 11 agus 12 Iarscríbhinn I, Caibidil II, pointe 14(b), (e), (h) agus (i) Iarscríbhinn I, Caibidil III, pointe 15(b)	31.12.2005
7		Vladimír Zezula, Jatky Rudíkov	Treoir 64/433/CEE ón gComhairle: Iarscríbhinn I, Caibidil I, pointe 1(a), (b), (e) agus (f) Iarscríbhinn I, Caibidil I, pointe 2(a) Iarscríbhinn I, Caibidil I, pointe 4(a) Iarscríbhinn I, Caibidil I, pointí 5 agus 11 Iarscríbhinn I, Caibidil II, pointe 14(h) Iarscríbhinn I, Caibidil IV, pointe 16(b)	31.12.2006
8		MABROS, s.r.o.	Treoir 64/433/CEE ón gComhairle: Iarscríbhinn I, Caibidil I, pointe 1(b) agus (c) Iarscríbhinn I, Caibidil I, pointe 4(c) Iarscríbhinn I, Caibidil I, pointí 11 agus 12 Iarscríbhinn I, Caibidil II, pointe 14(h)	31.12.2006
9		Karel Nozar, Jatky Janov	Treoir 64/433/CEE ón gComhairle: Iarscríbhinn I, Caibidil I, pointe 1(a) agus (b) Iarscríbhinn I, Caibidil I, pointí 2(a) agus 11	31.12.2006
10		Václav Raus,	Treoir 64/433/CEE ón gComhairle: Iarscríbhinn I, Caibidil I, pointe 1(a) agus (b) Iarscríbhinn I, Caibidil I, pointe 5 Iarscríbhinn I, Caibidil II, pointe 14(a)	31.12.2005

Uimh.	Uimh. Thréid.	Ainm na bunaíochta	Easnaimh	Dáta an lán-chomhlíonta
11		Pavel Hřebejk – firma Slávie	Treoir 64/433/CEE ón gComhairle: Iarscríbhinn I, Caibidil I, pointe 1(a), (b) agus (e) Iarscríbhinn I, Caibidil I, pointe 4(c) Iarscríbhinn I, Caibidil I, pointí 11 agus 12 Iarscríbhinn I, Caibidil II, pointe 14(a), (b), (c) agus (h) Treoir 77/99/CEE ón gComhairle: Iarscríbhinn A, Caibidil I, pointe 2(a), (b) agus (e) Iarscríbhinn B, Caibidil I, pointe 1(b), (d), (e) agus (f)	31.12.2006
12		VAVRAS, spol. s r.o.	Treoir 64/433/CEE ón gComhairle: Iarscríbhinn II, Caibidil I, pointe 1(b) agus (e)	31.12.2004
13		Vlama, spol. s r. o.	Treoir 64/433/CEE ón gComhairle: Iarscríbhinn I, Caibidil I, pointe 1(a) agus (b) Iarscríbhinn I, Caibidil I, pointe 4(c) Iarscríbhinn I, Caibidil I, pointe 11 Iarscríbhinn I, Caibidil II, pointe 14(e) agus (g)	31.12.2004
14		Zemědělské družstvo Čechtice - Jatka Jeníkov	Treoir 64/433/CEE ón gComhairle: Iarscríbhinn I, Caibidil I, pointe 1(a), (b), (c) agus (d) Iarscríbhinn I, Caibidil I, pointe 4(d) Iarscríbhinn I, Caibidil I, pointí 5 agus 11	31.12.2006
15		ZDV jatky Charvatce	Treoir 64/433/CEE ón gComhairle: Iarscríbhinn I, Caibidil I, pointe 1(a), (b) agus (e) Iarscríbhinn I, Caibidil I, pointí 11 agus 12 Iarscríbhinn II, Caibidil II, pointe 14(b) agus (c) Treoir 77/99/CEE ón gComhairle: Iarscríbhinn B, Caibidil I, pointe 1(d)	31.12.2006

Uimh.	Uimh. Thréid.	Ainm na bunaíochta	Easnamh	Dáta an lán-chomhlíonta
16		ZD Rosice u Chrasti - masná výroba a jatky	Treoir 64/433/CEE ón gComhairle: Iarscríbhinn I, Caibidil I, pointe 1(a), (b), (c), (e) agus (g) Iarscríbhinn I, Caibidil I, pointe 2(a) Iarscríbhinn I, Caibidil I, pointe 4(c) Iarscríbhinn I, Caibidil I, pointí 5 agus 11	31.12.2006
17		ZD Vodňany	Treoir 64/433/CEE ón gComhairle: Iarscríbhinn I, Caibidil I, pointe 1(b) Iarscríbhinn I, Caibidil I, pointe 4(c) Iarscríbhinn I, Caibidil I, pointí 11 agus 12 Iarscríbhinn I, Caibidil II, pointe 14(a) agus (b) Iarscríbhinn I, Caibidil IV, pointe 16(a) agus (b)	31.12.2005
18		Jaroslav Zezula - řeznictví, uzenářství Since 1. September 2002 as Jatky Zezula – Jadrný, s.r.o.	Treoir 64/433/CEE ón gComhairle: Iarscríbhinn I, Caibidil I, pointe 1(a), (b), (c), (d), (e), (f) agus (g) Iarscríbhinn I, Caibidil I, pointí 5, 11 agus 12 Iarscríbhinn I, Caibidil II, pointe 14(b) agus (h)	31.12.2004
19		Jatky Chotěboř	Treoir 64/433/CEE ón gComhairle: Iarscríbhinn I, Caibidil I, pointe 1(a), (b) agus (e) Iarscríbhinn I, Caibidil I, pointí 5 agus 11 Iarscríbhinn II, Caibidil II, pointe 14(b) agus (f) Iarscríbhinn I, Caibidil IV, pointe 16(a) agus (b)	30.06.2006
20		Zemědělské obchodní družstvo, družstvo Šebkovice	Treoir 64/433/CEE ón gComhairle: Iarscríbhinn I, Caibidil I, pointe 1(b), (c) agus (e) Iarscríbhinn I, Caibidil I, pointí 7 agus 11 Iarscríbhinn I, Caibidil III, pointe 15(b), Iarscríbhinn I, Caibidil IV, pointe 16(b)	31.12.2004
21		Ing. Václav Kozel, ZOOINFORMA	Treoir 64/433/CEE ón gComhairle: Iarscríbhinn I, Caibidil I, pointe 1(g) Iarscríbhinn I, Caibidil I, pointe 4(a) Iarscríbhinn I, Caibidil II, pointe 14(a), (b), (c), (h) agus (j)	31.12.2006

Uimh.	Uimh. Threid.	Ainm na bunaíochta	Easnaimh	Dáta an lán-chomhlíonta
22		ZVOS Hustopeče, a.s.	Treoir 64/433/CEE ón gComhairle: Iarscríbhinn I, Caibidil I, pointe 1(a) agus (b) Iarscríbhinn I, Caibidil I, pointe 9 Iarscríbhinn I, Caibidil II, pointe 14(a) agus (h) Iarscríbhinn I, Caibidil IV, pointe 16(a)	31.12.2004
23		MASOEKO, s.r.o.,	Treoir 64/433/CEE ón gComhairle: Iarscríbhinn I, Caibidil I, pointe 1(a), (b), (c) agus (e), Iarscríbhinn I, Caibidil I, pointe 2(a) agus (b) Iarscríbhinn I, Caibidil I, pointe 3 Iarscríbhinn I, Caibidil I, pointe 4(a), (b) agus (c) Iarscríbhinn I, Caibidil I, pointí 5, 10, 11 agus 12 Iarscríbhinn I, Caibidil II, pointe 14(a), (b), (c), (e), (f) agus (h) Iarscríbhinn I, Caibidil III, pointe 15(b)	31.12.2006

Feoil a phróiseáil agus táirgí feola a mhonarú

1		Agrodružstvo vlastníků – ADV Libštát	Treoir 64/433/CEE ón gComhairle: Iarscríbhinn I, Caibidil I, pointe 2(b) Iarscríbhinn I, Caibidil I, pointí 5 agus 9 Treoir 77/99/CEE ón gComhairle Iarscríbhinn A, Caibidil I, pointe 1 Iarscríbhinn A, Caibidil I, pointe 2(a), (c), (d) agus (g) Iarscríbhinn A, Caibidil I, pointe 4	31.12.2006
2		Bomas Brno, s.r.o.	Treoir 64/433/CEE ón gComhairle: Iarscríbhinn I, Caibidil I, pointe 1(a), (b) agus (e) Iarscríbhinn I, Caibidil I, pointe 11	31.12.2005

3		Josef Kalina – JoKa Litoměřice	Treoir 77/99/CEE ón gComhairle: Iarscríbhinn A, Caibidil I, pointe 1 Iarscríbhinn I, Caibidil I, pointe 2(a), (b) agus (c) Iarscríbhinn A, Caibidil I, pointe 11 Iarscríbhinn B, Caibidil I, pointe 1(d) Iarscríbhinn B, Caibidil II, pointe 4	31.12.2006
4		Masný průmysl – Krásno, spol. s r.o.	Treoir 64/433/CEE ón gComhairle: Iarscríbhinn I, Caibidil I, pointe 1(a) agus (g) Iarscríbhinn I, Caibidil I, pointe 11 Iarscríbhinn II, Caibidil II, pointe 14(b), (h) agus (j) Treoir 77/99/CEE ón gComhairle: Iarscríbhinn A, Caibidil I, pointe 1 Iarscríbhinn I, Caibidil I, pointe 2(a) agus (c) Iarscríbhinn A, Caibidil I, pointe 11	31.12.2006
5		Pejša Bohumil, řeznictví uzenářství	Treoir 64/433/CEE ón gComhairle: Iarscríbhinn I, Caibidil I, pointe 1(c) agus (g) Iarscríbhinn I, Caibidil I, pointí 2(a) agus (b) Iarscríbhinn I, Caibidil I, pointe 11 Iarscríbhinn I, Caibidil III, pointe 15(b) Treoir 77/99/CEE ón gComhairle: Iarscríbhinn A, Caibidil I, pointe 2(a), (b), (c) agus (g) Iarscríbhinn A, Caibidil I, pointe 11	31.12.2006
6		Vysočina, a.s.	Treoir 77/99/CEE ón gComhairle: Iarscríbhinn A, Caibidil I, pointe 2(a) agus (b) Iarscríbhinn A, Caibidil I, pointe 11	31.12.2005

Seamlais éanlaithe

1		Melbro, a.s., porážka drůbeže Litoměřice (now as AGF Trading, a.s., středisko 07 Litoměřice)	Treoir 71/118/CEE ón gComhairle: Iarscríbhinn I, Caibidil I, pointe 1(g) Iarscríbhinn I, Caibidil I, pointí 11 agus 12 Iarscríbhinn I, Caibidil II, pointe 14(a), (b) agus (c) Iarscríbhinn I, Caibidil IV, pointe 16(a) agus (b) Iarscríbhinn I, Caibidil IV, pointe 17(a) agus (b)	31.12.2006
2		DIEMA, spol. s r.o.	Treoir 71/118/CEE ón gComhairle: Iarscríbhinn I, Caibidil I, pointe 1(a), (b), (c), (e) agus (g) Iarscríbhinn I, Caibidil I, pointí 9 agus 12 Iarscríbhinn I, Caibidil IV, pointí 16 agus 17	31.12.2006
3		Podkrkonošská odbytová s.r.o.	Treoir 71/118/CEE ón gComhairle: Iarscríbhinn I, Caibidil I, pointe 1(a) Iarscríbhinn I, Caibidil I, pointe 5 Iarscríbhinn II, Caibidil II, pointe 14(b) agus (c)	31.12.2006
4		Velkopavlovické drůbežářské závody a.s.	Treoir 71/118/CEE ón gComhairle: Iarscríbhinn I, Caibidil I, pointe 1(b) Iarscríbhinn I, Caibidil II, pointe 14(b), (c) agus (g) Iarscríbhinn I, Caibidil XIII, pointe 69	31.12.2006

Táirgí feola éanlaithe agus uibheacha

1		Drůbež Příšovice a.s.	Treoir 71/118/CEE ón gComhairle: Iarscríbhinn I, Caibidil I, pointe 1(a), (b) agus (e) Iarscríbhinn I, Caibidil I, pointe 5	31.12.2005
2		Velkopavlovické drůbežářské závody a.s.	Treoir 89/437/CEE ón gComhairle: Iarscríbhinn, Caibidil I, pointe 1(a) Iarscríbhinn, Caibidil I, pointe 3 Iarscríbhinn, Caibidil II, pointí 1, 4 agus 8	31.12.2006

Déirithe

1		Krkonošské sýrárny a.s.	Treoir 92/46/CEE ón gComhairle: Iarscríbhinn B, Caibidil I, pointe 2(a), (b), (c), (d) agus (g) Iarscríbhinn B, Caibidil I, pointe 11 Iarscríbhinn B, Caibidil II.A, pointe 2	31.12.2006
2		Krkonošské sýrárny a. s.	Treoir 92/46/CEE ón gComhairle: Iarscríbhinn B, Caibidil I, pointe 2(a), (b), (c) agus (g) Iarscríbhinn B, Caibidil I, pointí 8 agus 11	31.12.2006
3		Mlékárna Čejetický spol. s r.o.	Treoir 92/46/CEE ón gComhairle: Iarscríbhinn B, Caibidil I, pointe 2(a), (b), (c) agus (g) Iarscríbhinn B, Caibidil I, pointe 3	31.12.2005
4		PROM s.r.o.	Treoir 92/46/CEE ón gComhairle: Iarscríbhinn B, Caibidil I, pointe 1 Iarscríbhinn I, Caibidil I, pointe 2(a), (b), (c), (d), (e) agus (g) Iarscríbhinn B, Caibidil I, pointí 3, 9, 11, 13 agus 15 Iarscríbhinn B, Caibidil VI, pointe 1	31.12.2006
5		NET- Kralovice, spol. s r.o.	Treoir 92/46/CEE ón gComhairle: Iarscríbhinn B, Caibidil I, pointe 2(b) agus (c) Iarscríbhinn B, Caibidil I, pointí 3 agus 14 Iarscríbhinn B, Caibidil VI, pointe 1	31.12.2006
6		Tavírna sýrů Nymburk s.r.o.	Treoir 92/46/CEE ón gComhairle: Iarscríbhinn B, Caibidil I, pointí 3 agus 11	31.12.2006

Foscríbhinn B

dá dtagraítear i gCaibidil 3, Roinn A, pointe 2, d'Iarscríbhinn V

Liosta bunaíochtaí, lena n-áirítear cumas na gcásanna neamhchomhlíontacha

LEAS AINMHITHE

Uimh.	Ainm na bunaíochta Limistéar/Réigiún	Cumas i mbéaróga (míreanna)
1	Agricol s. r. o., Polička T. Novákové 521 572 01 Polička Svitavy / Pardubický Farm: Opatovice, Velké dráhy 318, 664 61 Rajhrad Brno venkov / Jihomoravský	81 900*
2	ZZN Pardubice a. s. Dělnická 384 531 25 Pardubice Farm: Opatovice n. Labem, 533 45 Opatovice n. L. Pardubice / Pardubický	50 000
3	Statek Miroslav a. s. Nádražní 1 671 72 Miroslav Znojmo / Jihomoravský	14 400*

4	Podnik živočišné výroby Nový Jičín a. s. Divadelní 9 741 01 Nový Jičín Farm: Kunín, 742 53 Kunín Nový Jičín / Moravskoslezský	18 000
5	VEMA a. s. Chrudim Dačická 911 537 60 Chrudim Chrudim / Pardubický	84 420
6	Drůbežárna Holešov s. r. o. Bořenovská 1356 769 01 Holešov Přerov / Zlínský	26 000
7	Jaroslav Jeřábek Újezd 12 267 61 Cerhovice Beroun / Středočeský	1 512
8	BIKOS s. r. o. Velká Bíteš Tišnovská 366 595 01 Velká Bíteš / Žďár nad Sázavou Farm: Košíky, 595 01 Velká Bíteš Žďár nad Sázavou / Vysočina	58 864*

9	Proagro Nymburk a. s. Poděbradská 2026 288 72 Nymburk Farm: Městec Králové, Pražská ul., 289 03 Městec Králové Nymburk / Středočeský	216 000*
---	---	----------

* téann an fána sna cásanna thar an gceanglas de 14% sa Treoir. Áirítear na cásanna sin san idirthréimhse dá bhrí sin ar an gcoinníoll go gceartaítear an méid sin fad a chomhalltar na ceanglais eile airde mar a comhaontaíodh le Poblacht na Seice.